

Arkiv: <arkivID><jplID> FE-149
JournalpostID:
Saksbehandlar:
Dato: 26.08.2020

Saksframlegg

Saksnr.	Utvalg	Møtedato
062/20	Utval for næringutvikling og drift	02.09.2020
080/20	Alver formannskap	03.09.2020
	Alver kommunestyre	

Prosess og rammer for moglegheitsstudie Nordhordland/Alver

Rådmannen sitt framlegg til vedtak:

- Alver kommune set av ei økonomisk ramme på kr 750.000 til ein moglegheitsstudie/scenarioanalyse for Nordhordland/Alver. Moglegheitsstudien er ein delprosess av scenarioanalysen for Vestland, gjennomført av Vestland fylkeskommune.
- Moglegheitsstudien for Nordhordland/Alver skal vere eit samarbeid med næringslivet i regionen
- Arbeidet blir finansiert i tråd med vedtak i sak 71/20, 1. tertialrapport 2020

Utval for næringutvikling og drift 02.09.2020:

Behandling:

Kommunalsjef Hogne Haugsdal orienterte.

Det vart sett fram følgande fellesframlegg i møtet:

Utvalet sluttar seg til saksframlegget og vedtaket slik det ligg føre, under føresetnad at det i tredje punkt blir vist til riktig vedtak i næringsutvalet der det vart tildelt NOK 750 000 til føremålet.

Utvalet vedtok samrøystes fellesframlegg sett fram i møtet.

ND- 062/20 Vedtak:

Utvalet sluttar seg til saksframlegget og vedtaket slik det ligg føre, under føresetnad at det i tredje punkt blir vist til riktig vedtak i næringsutvalet der det vart tildelt NOK 750 000 til føremålet.

Alver formannskap 03.09.2020:

Behandling:

Rådmannen sitt framlegg til vedtak med endring i punkt 3:

- Arbeidet blir finansiert i tråd med vedtak i kommunestyret 14.05.2020 sak 38/20.

Rådmannen sitt framlegg med endring vart vedteke mot 1 røyst, L.Johnsen-MDG.

FO- 080/20 Vedtak:

- Alver kommune set av ei økonomisk ramme på kr 750.000 til ein moglegheitsstudie/scenarioanalyse for Nordhordland/Alver.

Moglegheitsstudien er ein delprosess av scenarioanalysen for Vestland, gjennomført av Vestland fylkeskommune.

- Moglegheitsstudien for Nordhordland/Alver skal vere eit samarbeid med næringslivet i regionen
- Arbeidet blir finansiert i tråd med vedtak i kommunestyret 14.05.2020 sak 38/20.

Politisk handsaming

Saka skal til uttale i utval for næringsutvikling og drift 2.september.

Saka skal til innstilling i formannskapet 3. september.

Endeleg vedtak i kommunestyret 17. september.

Bakgrunn

Med bakgrunn i koronasituasjonen og utfordringane i næringslivet blei det i april/mai 2020 fremja ei politisk sak om å gjennomføre ei scenarioanalyse/moglegheitsanalyse, som skal vere eit felles kunnskapsgrunnlag for korleis næringslivet og Alver kommune skal jobbe med strategisk utvikling framover. Moglegheitsstudien er lagt opp som eit samarbeidsprosjekt mellom Alver kommune, Vestland Fylkeskommune og lokalt næringsliv. Den politiske saka var til handsaming i utval for næringsutvikling og drift, formannskapet og kommunestyret. Kommunestyret gjorde følgjande vedtak 14. mai (sak 38/20):

- *Kommunestyret ber om at det vert utarbeidd eit felles kunnskapsgrunnlag (moglegheitsstudie) for korleis næringslivet og Alver kommune skal jobbe med strategisk utvikling av næringslivet framover.*
- *Finansieringa på 750 000 kr skal dekkast frå næringsfondet under føresetnad av at Vestland fylkeskommune og lokalt næringsliv bidrar med finansiering til moglegheitsstudien, slik det er lagt fram i saka.*
- *Kommunestyret ber rådmannen vurdere om det er investeringsprosjekt som kan framskundast i samband med 1. tertialrapport. I tillegg skal rådmannen vurdere framdrift på investeringsprosjekt i samband med økonomiplanen 2021 – 2024.*
- *Notatet «Ta vare på våre unge i krisetid – jobb og fritid» blir lagt ved protokollen for vidare utgreiing/oppfølging, både administrativt og politisk. Notatet er meint som innspel til moglege tiltak. Kommunestyret ber om at både utval for næringsutvikling og drift og formannskapet vert halde løpande orientert vidare om tiltak og framdrift i denne saka, første gong i juni.*

I tida etter vedtaket i kommunestyret har Alver kommune og Nordhordland næringslag (NONL) jobba vidare med Vestland fylkeskommune for å klargjere rammene for prosessen med moglegheitsstudien. Endeleg konklusjon frå Vestland fylkeskommune er at dei sjølv vil gjennomføre ein større moglegheitsstudie/scenarioanalyse for heile Vestland Fylke. Dette blir mellom anna eit sentralt kunnskapsgrunnlag i fylkeskommunen sitt strategiske planarbeid i tida framover. Men det blir også lagt opp til analyser for dei ulike regionane, eks. Nordhordland/Alver, som byggjer på hovudanalysen til fylkeskommunen. Fylkeskommunen har lyst arbeidet ut på anbod og dei regionsvise analysene blir ein opsjon som regionane kan løyse ut. Informasjon om valt konsulentmiljø og rammer for prosessen blir offentleggjort i månadsskiftet august/september. Planen er at Vestland fylkeskommune skal gjennomføre arbeidet med fylkesanalysen og aktuelle regionsvise analyser i løpet av haust/vinter 2020.

Vurdering

I vedtaket frå kommunestyret var det lagt opp til ein moglegheitsstudie for Nordhordland/Alver, der Alver kommune skulle bidra med kr 750.000 i eit spleiselag med lokalt næringsliv og Vestland fylkeskommune. Føresetnaden var at fylkeskommunen stilte med finansiering på kr 1,5 mill. Etersom Vestland fylkeskommune har tatt avgjerd om å gjennomføre ein eigen prosess, vil ikkje føresetnaden i vedtaket bli stetta. Alver kommune, regionen og lokalt næringsliv må derfor gjere ei ny vurdering på den vidare prosessen.

Fylkeskommunen legg opp til ei scenarioanalyse for heile Vestland fylke, i tillegg er det mogleg å bestille regionsvise analyser/studiar som blir gjennomført parallelt med hovudanalysen. Aktørar i regionane må bidra med finansiering til dei regionsvise studiane. Slik rådmannen ser det, er det viktig å få fram kunnskap om utfordringar og moglegheiter for kommune og region, spesielt sett i lys av koronasituasjonen. Ein moglegheitstudie vil til dømes vere eit viktig kunnskapsgrunnlag i arbeidet med kommuneplanen sin samfunnsdel og strategisk næringsplan. Rådmannen rår derfor til at Alver kommune, i samarbeid med lokalt næringsliv, tar initiativ til å gjennomføre ein regionsanalyse for Nordhordland/Alver.

Tilbakemeldinga frå fylkeskommunen er at kostnaden med regionsvise analyser ikkje vil overstige den økonomiske ramma på kr 750.000 - som Alver har sett av i tidlegare vedtak. Rådmannen rår derfor til at ramma på inntil kr 750.000 bli ståande og at midlane blir henta frå disposisjonsfondet i tråd med kommunestyrevedtak 71/20, 1. tertialrapport 2020. Rådmannen tar høgde for at arbeidet med moglegheitsstudien blir eit spleiselag og samarbeid med lokalt næringsliv. Rådmannen vil forankre arbeidet både i utval for næringsutvikling og drift og formannskapet, og legg opp til å orientere utvala aktivt undervegs i prosessen.